

幼：幼齒的！

古：古錐的！

合：上台…共逐家請安、問好！

幼：咦？妳彼 kha，是貯啥乜？

古：喔…碗箸啦！

幼：碗箸？妳上台提碗箸欲創啥？

古：老師毋是講，比賽了後，欲恁咱去食好料的？

幼：喔！妳嘛莫遐恂（sông），哪有頭家會遐恂，無攢碗箸無 tsing-tsông？

古：喂！

幼：啊…免洗箸，免細膩！一雙、二雙，做妳開！

古：啥乜？

幼：免洗碗盤，滿滿是！用完免洗，蓋舒適！

古：hann？

幼：雙手空空，行入去！腹肚飽飽，人歡喜！

古：hoo！

幼：自由自在，免廢氣！戇人才咧紮（tsah）碗箸！

古：就是有，你這款人，地球才會，傷假遮呢重！

幼：喂！拜託咧…小小的一雙箸，有才調傷著地球？

古：嗯…

幼：講𪗇聽！是 siáng 欲信？

古：你敢知影，全世界，這（tsit）幾冬氣候變化，造成的問題？

幼：我知啊！有的所在落大雪，一工寒死幾落个，氣候失常的問題，造成損失

有夠濟！

古：閣捌不哩啊濟喔！

幼：上課老師有咧講，電視報紙嘛有報！

古：按呢！你閣用免洗箸？

幼：食飯無用箸，欲若會舒適，無敢…五虎下山一用手拈（ni）？

古：我無叫你，莫用箸，是教你，莫用免洗箸！

幼：妳毋就講一下道理，予我了解為啥乜？

古：根據統計……咱臺灣逐冬平均著愛用掉 100 億雙免洗箸，鬥鬥起來會當𪗇

地球 45 輓呢！！

幼：喔！經濟發展真好，好現象！

古：啥物好現象？你敢知……一冬若干焦為著欲製造免洗箸，差不多著愛剷掉

290 萬樣，種二十冬的大樹！

幼：啥貨啊！一冬，290 萬樣，二十冬的大樹！

古：樹仔…就愈來愈少！咱的日子，就愈來愈艱苦！

幼：恁兜抑毋是，咧種樹仔的，免煩惱彼啦！

古：你若…予恁爸，扣所費，你敢…袂煩惱？

幼：樹仔，和我的所費，有啥治代？

古：無樹仔，天氣會…愈來愈熱！

幼：塗想嘛知！

古：熱…逐家就會開冷氣！

幼：加講的！

古：愈濟人用電，電錢就會愈貴！恁爸…

幼：啊！錢無夠用，真正會，傷著我的所費！

古：按呢…我敢有烏白講？

幼：有影呢！按呢會害喔！

古：所以…我毋才開始，出門食飯，攞紮碗箸！

幼：我嘛愛學妳，愛臺灣、愛地球！對今也開始，攞莫閣用免洗箸！

古：講有定？

幼：咱做人，講話若會當無影！

古：啊！你今仔日，無紮碗箸，敢是打算，無欲食？

幼：哪會當無食？

古：五虎下山一用手拈（ni）喔？

幼：癩痢（thái-ko）？

古：啊無…你欲按怎食？

幼：妳借我講！

古：借你？我干旦紮…一雙箸爾爾，欲按怎借你？

幼：一人一枝，用撞（tōng）的、用攞（tshiám）的，攞會當啦！

古：我哪會交著…你這種朋友？

幼：好通來去食啊，緣投的！

古：古錐的！

合：落台行禮！

幼：箸箸箸…

古：哼…